



Vuk'uzenzele

INETIKHA-
NGISO
TEMISEBENTI

IMAHHALA

Uyetsulelwa Tekuchumana Tahulumende Nekuniketa Lwati (GCIS)

Siswati/English

Inyoni 2015



**Yati
Likhansela
lakho**

Likhasi 10



**Lihhovisi leMmeli
Wemndeni libeka
bantwana embili**

Likhasi 14



**I-Afrika ingaba
ngumholi
ekusunguleni
lokusha**

Likhasi 15

Sikolwa lesisha semmango waseMpumalanga



Sikolwa lesakhiwe ngalokusezingeni lelisetulu iMakause Combined School singatsatsa bantwana labangafika kulaba-1 200 sisePhola, eMpumalanga.

Noluthando Mkhize

Makause Combined School, lesePhola eMpumalanga, iletse litsemba emmangweni ngekucinisekisa kufinyelela imfundvo.

Lesikolwa lesakhiwe ngalokusezingeni lelisetulu lesibita-R74 wetigidzi sibekhona ngenca yekubambisana emkhatsini weLitiko Letemfundvo Lesisekelo nenkampani yetimbiwa iGlencore.

Lesikolwa besiyincenye yemklamo lo-mkhulu wekutfutwa lapho khona iGlencore yatfutsa imindeni le-120 yayisusa emaphandleni aseTweefontein yayiyisa ePhola, njengencenye yeMklamo yawo Wekutfutukisa iTweefontein.

Lomklamo umele lutjalomali lweGlencore lwa-R8 wetigidzigidzi, lolunetisebenti letinge-780 leticashwe kwalomphelo, lokhicithe emathani latigidzi letisiphohlongo temalahle latsengisekako njalo ngenyaka. Ngesikhatsi kwakhiwa, lomklamo wadala ematfuba emisebenti lenge-

tulu kwale-2 600 nematfuba emabhizinisi lamanyenti abosomabhizinisi bendzawo ngekutsenga endzaweni.

Lomklamo ubuye ufake ekhatsi kwakhiwa kwetindlu, lokwabita tindleko letinge-R70 etigidzi, letingahlalisa imindeni leyatfutwa lelinganiselwa kule-120.

KUBUYISA LITSEMBA

Lesikolwa lesisemkhatsini wetindlu letakhiwako, ngesemabanga abokhewana, emabanga laphasi nemabanga laphakeme. Sinemaklasi lange-32, emalabhorekthri esayensi, sakhawo sekufundisa imisebenti yasekhaya, umtapo-lwati, sikhungo sabongcondvomshini kanye nelihhola lelitsatsa bantwana laba-1 200.

Amos Shali Mahlangu sewubenguthishelanhloko walesikolwa iminyala lenge-32 futu usibone sitfutuka ekuhambeni kweminyaka.

"Ngembi kwekutfutwa, besihlala eTweefontein lebekungummango lolimako nalomba timbiwa. Loku-ke bekusho kutsi bantwana bebadzinga kuhamba emabanga langetulu kwa-40 wemakhilomitha nabaya esikolweni, basebentisa sitfutukisa labasinikwa Litiko Lete-

mfundvo Lesisekelo."

Njengobe manje sekwakhiwe lesikolwa netindlu bantwana sebahamba libanga lelingaphasi kwelikhilomitha linye nabaya esikolweni.

"Yinye yetinkinga esikolweni lesidzala bekukulova kantsi futu nebatlali bebangeti emihlanganweni ngenca yelibanga bekufanele kutsi balihambe. Kusukela satfutsa, lizinga lekulova selehlile kantsi futu sebanengi nebatlali labetako emihlanganweni."

Phillip Maimela, sihlalo wemtimba lowengamele sikolwa, unebantwana lababili lababafundzi kulesikolwa. Utsite siyamjabulisa lesikolwa lesisha kantsi futu bantwana bakhe batfola imfundvo lenguyona yona.

Indvuna yeTemfundvo Lesisekelo Angie Motsheka, lobekakhona nakuvulwa lesikolwa, utsite sitawutintintja kakhulu timphilo tala-bafundzi.

"Lutjalomali lolungaka kutemfundvo lukhombisa kutinikela kweGlencore kulikusasa lalilive. Ngulapho sihlangu sonkhe ndzawononye singuhulumende, bosomabhizinisi, tinhlangu temmango lapho khona singakhona kucedza tihibe tekungalingani.

Imisebenti, tindlu netemphilo telidolobho letimayini

Hulumende sewukhiphe-R18

wetigidzigidzi wekuphucula timo tekuhlala temimango yetimayini lephuyile kulo lonkhe lelive. Uholwa Likomidi Letindvuna (i-IMC) lelibukene nekutfutukisa imimango yetimayini, lomklamo ufaka ekhatsi kwakhiwa kwetindlu nemklamo wetekuphila kahle.

"Sekukonkhe kukhishwe-R18 wetigidzigidzi temisebenti lochubekako nekutfutukisa imimango yetimayini lehluphekako, lokuzuzisa letifundza letilandzelako: Mpumalanga Kapa, Freyistata, Gauteng, KwaZulu-Natal, Limpopo, Mpumalanga neNyakato Nshonalanga," kusandza kusho Mengameli Zuma.

Mengameli umemetele kutsi Litiko Leku-hlaliswa Kwebantfu, lisitwa ngema- ejensi, liphumelelisa umklamo wahulumende weti-ndlu letinge-66 kulamadolobha etimayini la-15 labekwe embili.

Ngemnyaka wetimali-2014/15, kucitfwe imali lengetulu kwe-R419 wetigidzi kubhajethi lebekwe eceleni, ibekelwe kutfutukisa tindzawo tekuhlala letingakahleleki emadolobheni etimayini labekwe embili iLimpopo, iFreyistata, iGauteng, iMpumalanga neNyakato Nshonalanga.

Kubekwe imali lengabangu-R1 sigidzigidzi yalomnyaka wetimali. Kulindzelwe kutsi kwakhiwe ngayo tindlu leti-19 000 emadolobheni etimayini.

Kwengeta kulesibonelelo lesibekwe eceleni sekwakhiwa kwetindlu temadolobha etimayini laphuyile, i- ejensi yekwakhiwa kwetindlu yeLitiko Letekuhlaliswa Kwebantfu selifake ngetulu kwa-R1 wesigidzigidzi ekuhlalisweni kwebantfu lokuhlanganisiwe emadolobheni etimayini.

Mengameli Zuma utsite ematiko ahulumende lamanengi achuba imiklamo yetimboni letinkhulu naletincane emadolobheni etimayini la-15.

"Leti," kusho yena, "tibaluleke kakhulu ekwakheni emabhizinisi nematfuba emisebenti."

"Kute kutsi bantwana basebente ngelizinga lelisetulu, badzinga simondzawo lesivumako nesibafaka inshisekelo futu lesikolwa sitawuba kukhanya kwelitsemba," kwasho Indvuna Motsheka.

> **Iyachubeka elikhasini le-2**

